

Malbikunarstöðin Höfði hf.
Sævarhöfða 6-10
112 Reykjavík

Reykjavík, 8. nóvember 2019
UST201901-223/S.M.
08.06.02

Reglubundið eftirlit í Malbikunarstöðina Höfða

Þann 15. október sl. fór fram reglubundið eftirlit í Malbikunarstöðina Höfða. Í samræmi við 57. grein reglugerðar nr. 550/2018 um losun frá atvinnurekstri og mengunarvarnaeftirlit sendist meðfylgjandi eftirlitsskýrsla.

Engin frávík komu fram við eftirlit en ein ábending var gerð er varðar uppfærslu á viðbragðsáætlun.

Rekstraraðili vinnur eftir úrbótaáætlun vegna eldri frávika er varða losunarmörk í útblæstri og útstreymishraða.

Virðingarfyllst


Sigríður Magnúsdóttir


Einar Halldórsson

Afrit: Heilbrigðisnefnd Reykjavíkur

EFTIRLITSSKÝRSLA

Malbikunarstöðin Höfði Reykjavík



Dags eftirlits	15.10.2019	Ábyrgðarmaður eftirlits	Sigríður Magnúsdóttir
Fyrirtæki	Malbikunarstöðin Höfði	Eftirlitsmaður	
Heimili	Sævarhöfði 6 - 10	Tegund eftirlits	Reglubundið
Kennitala	5810962919	Flokkur	Malbik
Fulltrúi fyrirtækis	Elín Ásgeirsdóttir	ÍSAT nr.	26.82.9
Fulltrúi fyrirtækis	Halldór Torfason	Staðsetning	362038,627 405923,675

NIÐURSTAÐA EFTIRLITS

Engin frávik komu fram við eftirlit og ein ábending var gerð er varðar uppfærslu viðbragðsáætlunar ef þörf er á. Eldra frávik er varðar losunarmörk í útblæstri helst opið en unnið er eftir úrbótaáætlun. Eldra frávik vegna of lágs útstreymishraða í útblæstri helst áfram opið. Úrbætur voru staðfestar vegna tveggja eldri frávika er varða bamba án árekstravarna og númerslausra bifreiða á lóð.

UMFANG EFTIRLITS

Farið var í reglubundið eftirlit í malbikunarstöðina Höfða og var umfang eftirlitsins eftirfarandi:

1. Umfang starfseminnar (gr. 1.2 í starfsleyfi)
2. Skráningar og mælingar (gr. 4.1 og 4.2)
3. Tilkynningar vegna mengunaróhappa (gr. 2.7)
4. Tryggingar (gr. 2.8)
5. Síðasta eftirlitsskýrsla
6. Áhættumat Umhverfisstofnunar til ákvörðunar á tíðni eftirlitsferða
7. Skoðunarferð um viðeigandi svæði

Rætt var um umfang starfseminnar en heimilt er að framleiða allt að 340 t/klst af malbiki og allt að 180 t/klst af steinefnum, þá er heimilt að reka tengda þjónustu sem og geyma bik í bikbirgðastóð norðan við athafnasvæðið. Fram kom í eftirlitinu að biki hefði verið landað í höfninni á athafnasvæði Björgunar og þaðan dælt í geyma malbikunarstöðvarinnar. Þar sem búið væri að loka höfninni þarf Höfði nú að fá bikið annarsstaðar frá.

Skráningar, sbr. gr. 4.1 í starfsleyfi, voru aðgengilegar í eftirliti. Mælingar vegna losunarmarka í útblæstri hafa verið gerðar bæði í Via Nova og Benninghoven stöðvunum. Ryk í útblæstri frá Via Nova stöðinni var innan losunarmarka í útblæstri. Ryk í útblæstri frá Benninghoven stöðinni hafa verið yfir losunarmörkum. Samkvæmt niðurstöðum mælinga er útstreymishraði enn of lágur eða tæpir 16 m/s, en skv. gr. 2.4 í starfsleyfi á útstreymishraði að vera 18-22 m/s. Samkvæmt upplýsingum frá rekstraraðila hefur reynst erfitt að ná mælingu í útblæstri með meiri útstreymishraða. Mælingar á olíu sýna að styrkur olíu er undir losunarmörkum.

Kynntar voru nýjar leiðbeiningar Umhverfisstofnunar vegna tilkynninga um mengunaróhöpp og í því samhengi rætt um viðbragðsáætlanir rekstraraðila vegna mögulegrar bráðamengunar. Viðbragðsáætlun var tiltæk í eftirliti og var rekstraraðila bent á að uppfæra áætlunina með hliðsjón af leiðbeiningum Umhverfisstofnunar ef þörf er á.

Staðfest var að rekstraraðili er með tryggingar í samræmi við kröfur starfsleyfisins.

Rætt var um niðurstöður síðustu eftirlitsskýrslu, frávik og úrbótaáætlun vegna þeirra. Í eftirliti 2018 komu fram fjögur frávik er varða útstreymishraða í skorsteini, bamba með spilliefnum án árekstravarna, númerslausar bifreiðar á lóð og vöntun á mælingum í Benninghoven stöðinni 2017. Síðastnefnda frávikinu var lokað í eftirlitsskýrslu 2018. Rekstraraðili sendi inn úrbótaáætlun vegna frávikanna þann 24. október 2018. Frávik vegna of lágs útstreymishraða í skorsteini helst opið þar sem útstreymishraði í mælingu 2018 var enn of lágur. Gerðar hafa verið úrbætur vegna bamba með spilliefnum án árekstravarna og númerslausra bifreiða. Mælingar í útblæstri í Benninghoven stöðinni sýna enn of há gildi í útblæstri. Rekstraraðili vinnur eftir úrbótaáætlun þar sem unnið er að því að koma upp nýrri síu í stöðinni. Frávik helst áfram opið.

Kynnt var nýtt áhættumat Umhverfisstofnunar til ákvörðunar á tíðni eftirlitsferða en skv. 57. gr. reglugerðar nr. 550/2018 um losun frá atvinnurekstri og mengunarvarnaeftirlit ber Umhverfisstofnun nú að ákvarða tíðni eftirlitsferða út frá kerfisbundnu mati á umhverfisáhættu viðkomandi starfsemi. Umhverfisstofnun hefur unnið drög að áhættumati fyrir starfsemi sem fellur undir eftirlit stofnunarinnar og hyggst áhættumeta starfsemina samhliða vettvangsheimsóknum á árinu. Í lok árs mun stofnunin síðan rýna heildrænt niðurstöður áhættumatsins og nota sem

grunn við gerð eftirlitsáætlunar 2020.

Farið var í skoðunarferð um svæðið og ekki var tilefni til athugasemda.

ÁBENDINGAR

Rekstraraðila er bent á að uppfæra viðbragðsáætlun sína með hliðsjón af leiðbeiningum Umhverfisstofnunar um tilkynningar vegna mengunaróhappa ef þörf er á.

- 1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.
- 2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 08.11.2019

Sigríður Magnúsdóttir

Sigríður Magnúsdóttir